

von dem nidern vmbhang/besser gethan wirt/als mehr verstandigt ist / zu ende des vorgehenden 9. verfehls.

**N**ider seyn die in der Brustwehr nicht alleyn den inham / machen als vor gesagt ist/aber reysen jeder lang Brustwehr in Figur/ von ein Kugel mit vier nasen/als hier ihm Kupfferblat L der 2. Figure.

Hier soll stehen 14. Figura / gezeichnet mit L.

**D**ie reden von vortheyll vndt hindertheyll / seyn hier ab genugsam/ dieselbe hier vor verholt ist/ob nun der feynt kam auff die Brustwehr A B / vondar zu nemen den bedeckten wegh C D E F / oder daß er daselbige nicht dorst thun/thut ers aber so soll er mit ein vmb noch mehr vortheyll zu haben dorffen komen/von der Brustwehr auff den bedeckten wegh/ vndt gebrauchen die nasen G H I K. mit so grossem vortheyll/ als die belegerde die nasen C D E F/thun. aber dorff er auff der Brustwehr A B nicht verscheynen/so en behort man die nasen nicht zu haben C D E F zu kein dechfels vororden. daß ist auch wissen das die Hügel vñ auß die streychecken / gestreychen zu werden mehr offenheit des schutz erfordern/wahrdurch die scharren bloß stehen/vndt auß dem velt solten konen beschossen werden / vorn beschluß ich alle hindertheyll gegen vortheyll oberlege / auch hatt mir in der vorgehenden reysung des 2. Capittels / besser bevallen die weysse der jenger die jeder seytten des bedeckten weghs recht auß ziehen / sonder inham oder Kugel nasen/ auch streylich auß die streychecken.

Das 11. verfehlt ob es besser ist das außerste scharren loch des mittelpats auff dem bedeckten weghs zu konen brauchen oder nicht.

**B**ey al dissem/ettliche willen sagen/das/daß schutz so weit offen gestellt wirt/ daß man durch die scharrenlocher/dē mittelpatz kan streychen/die Brustwehr des bedeckten weghs / gleich in der ersten Figur des 2. Capittels gethan ist/ so soll der feyndt von dem bedeckten weghs als er den hatt/ widerum das außerste scharrenloch konen brauchen/aber zieht man das schutz so enge zu das des außerste scharrenloch bedeckt bleibe/ mit das neben stehende Bollwerck A/ also das es von dem bedeckten wegh. nirgends kan gesehen werden / gleich hier in der 14. Figur L die 3. Figur zu sehen ist/so kan der feynt solche scharren nicht brechen

K

brechen